

四庫全書

集部

欽定四庫全書

桐江續集卷七

元 方回 撰

先天易吟三十首

原缺第十九首

不識第一畫義皇運腕初憑空說儀象枉著汗牛書

舜禹昔禪位曾將易問著即知重八卦已自伏羲時

高下乾坤位東西日月門正身當午立一點認心源

圖

方位

太極元無物群生性命根一竒仍一偶萬象滿乾坤

初畫

起

四象寫老少兩儀書偶奇四從兩上判惟一邵翁知二

分

八卦各為八枝從幹上橫厥初有何物萬物一根生三

加六畫

橫圖

鍾律及星厯軍師兼井田方圓兩圖在萬古立鼇天

方內

圖外  
圖圖

從來二生四誰謂二生三迷路求玄牝精微未許探地

生物易象體之加一倍法二四四八老子謂二生三非也玄牝之門似謂太極亦非也故朱子曰一每生二

首言天地易次語贊義皇繫傳誰精玩先看第一章

天尊

地卑謂天地易乾坤定矣謂伏羲易卑高以陳而下倣此第一章便合細玩也

子半至午半南方旋北方往來分逆順治亂判陰陽

數往

者順自子而午震離兌乾治之象知來者逆自午至子巽坎艮坤亂之象當背北面南觀之即見順逆康節先天圖即此

有畫無言語斯文豈易知人心對天一更向畫前窺

謂天

向一中分造化人於心上起經綸

天地有定位地天陽泰三更於通氣處細認澤山咸

乾坤坎離位元會運世篇三百六十歲才似一周年二十

世象十二月北而南

為治午而子反之

瀛登唐治日奎聚宋興年子午復南北一聲啼杜鵑唐至

五代包六甲子半治半亂宋乾德迄今又六

甲子中經南人用事南禽隨氣過北而亂

圓象天儀轉方侷地里分獨超形器外寂感一靈君

河圖天地數五與十居中所拱中一點心為八位宗

六爻六畫後六位六虛中此處曾着眼玄哉无極翁未

六畫為爻先有六  
虛為位即无極也

萬世復萬世人心無改時此理本非古伏羲先得之

先覺欲覺後三峰列四圖求精由蘊入言說本來无

周子

語聖人之精畫卦以示謂先天也聖人之蘊因卦以  
發謂後天也由蘊求精精至於无則不畫亦可也

心法先天易盍於離位求儻非明出地長夜使人愁

八卦

皆心法也乾健坤順為心之仁義離明其尤心之赫然  
而光者乎天地月星非日无光日之出也旦氣清明乃  
心之全體也離外明坎內明坎  
水根陽又所以為心之本體

天地囿於氣聖賢脩此心範圍非有許生聚尚斯今

水旱堯湯有先天數可推聖君得賢相纛是太平時

神農嘗毒藥軒后設難經認取卦中意仁心救未形人

必皆有此病而豫定伐病之藥制治病之方本草素問難經亦先天易也

水平民不溺穀播世無飢氣數如寒暑能無理轉移

誰識歸竒意專為禦患謀將寒儲續絮未暮貯膏油

兩重三畫卦半束百莖著避就殊凶吉元无巧與竒

畫處本天地占時通鬼神自然大道理絲髮不由人

嗜慾損為益榮華降是升圓圖觀起處生意伏陰凝

獨妙先天學恭惟擊壤翁  
返觀心是易萬化出胸中

後天易吟三十首

萬古未來事先天逆已知  
卦中無不有却要後天推  
位須分對待氣即驗流行  
義體兼文用俱由造化生  
世治常無亂民安永不危  
尚須西伯演義畫可無之

易名緣變易周義取周流  
出震始終良當於此處求

周流  
變易義與歸藏雙字同謂為

周家之易先儒似未致也

震位東方木胡為以帝言  
一茅觀出處主宰見天根



萬物皆相見文明午日中聖人南面立品彙各亨通

允澤何言說秋成看水田黃雲萬萬頃滋潤作豐年

允止

水田亦然

天一實生水冬藏坎次乾精神要休養醞釀出春天

萬物天為大中間地次之成功付諸子父母似無為

康節

以退乾西北退坤西南為不用之地而謂六子代父母  
程子不甚然之回謂天運行於上地發生於下日夜不  
息非無為也六子乃天地之妙用天地不自以為功而  
付諸六子則似乎無為耳已成功者君逸而臣勞然君  
豈可  
逸哉

雷風火澤水獨艮不言山朔易指方位萬形消息間

易卦

所言不同文王易以六子為用動撓燥說潤言氣也艮不言山而言終始指其方位而言也物有終復有始藏於坎方終於艮位而始則又起乎此然後於震而出焉形氣道理各有所為而言

君知己似嗣音義古來同萬物生相續南薰鼓巽風  
役物至未極分明土王時嗣火孕金氣秋成方在茲  
陽生在十月亥謂之天門戰乎乾者物乾實戰於坤  
八列方隅位四周分至時畫疆興庶務地矩圍天規  
宗廟烝嘗禮朝廷覲見儀無窮天下事不過似農時

細玩文王卦如何法地方田從一井起鄉遂及要荒  
觀身不見背動體悉由心向陽負陰處離坎細推尋  
次謙終以巽九卦至三陳聖人有憂患何況是凡人  
元亨猶利正始可用純乾未了一貞字何由保性天  
亨到離時見貞從坎處來歸根培養熟方解鼓風雷  
背於身不見亦不見庭人物我俱无與方知止處真  
乾坤始開闢六坎首經綸士不知憂患焉能免世氛  
始屯終未濟世故信多艱維坎剛中吉周旋險難間

彖辭六十四三十四言貞幹事匪正固難求心外亨  
亨嘉誰不願貞固士之常乾體充剛健坤爻認直方  
祖考精神散子孫能聚之淫祠祭非鬼萃渙義何居  
卦之凶者五否剥未濟三如姤與歸妹深防女敗男一姤

女五陽歸妹  
少女說老陽

易經之下卷何以始恒咸貞女家人利如詩有二南  
二五時難遇沈淪下位多乾潛與坤履退謹養天和

學者欲學易當觀美里時如何是敬字恐懼畏憂危易

當從敬入敬之訓恐也懼也畏也憂也危也如戒慎如  
貞固如惴惴慄慄戰戰兢兢皆是也易所以處患難窮  
困者也

### 大衍易吟四十首

卦下觀一彖卦中求六爻今人僅知此着眼未為高今人

讀易只解得六十四彖三百八十四爻大綱領  
全不通悟即將易作四百四十八事看而已

太極元无極先天異後天今人不識此讀易豈其然

謂今三畫卦不自偶奇生便指三為八徒勞口舌爭伏義

畫卦自一奇一偶始是為兩儀而後生四象生八卦惟  
邵康節識之朱文公申明之諸儒皆謂一下手便畫成

八箇三畫卦所以解太極儀象全不通了  
如葉水心習學記言強辨蓋全無識也

乾坤用九六義例析為三朱子申歐說開編請細探周

易

用九六不用七八一也凡用九不可為首凡用六須永  
貞二也占得乾六爻俱變則用此无首之說即乾之坤  
也坤卦倣此諸儒不曉惟歐陽公  
知之朱子申明之呂與叔亦曉也

陽爻極六位進退貴因時德則何憂亢神而不可知

六陰升已極坤下戰乎乾建亥陽生處居然復卦前

文王

易所謂戰乎乾曰陰陽相薄者蓋剝於上則復於下剝  
卦至十月半方盡十月半則陽已生矣故曰戰而坤之  
上六亦有龍戰之象至十一月半復卦成後天易處乾  
於亥曰天門而居坤之位乃坤中伏乾也十月之日陽

月亦本

乎此

用九不為首陽畫位屯初百八十五變剛爻可捨諸屯

屯下

第一爻以剛陽應四之柔是謂以貴下賤即用九无首之義聖人於此發一百八十六陽爻之例也

十年女乃字守節以勝情凡諸卦用六觀茲利永貞

屯六

二乃一百八十六陰爻之首聖人於此又以女之貞發用六永貞之例

屯初康險難蒙上覺昏童開闢乾坤後君師大有功

屯初

君道蒙上師道大象經綸

果育亦然所以繼乾坤也

德盛時逢險乾剛坎在前諺云姑少待樂飲豈徒然

訟吉觀西伯師中驗太公得人師不戰反已訟無終

小畜過无坎胡為以雨云互觀藏兌澤止水亦興雲

此言

互體小畜小過无坎而小畜二剛乘兌小過但當兌口皆為雲雨之象睽九之雨一剛乘坎然其內自有正兌

體上應

三也

履若蹈虎尾五剛亨厥躬乾三獨柔變是以啞人凶

盛夏靡草死歲寒松栢貞泰須防陂復否有大人亨

大有同人盛離柔寓戒辭无威斯近弱不廣即為私

謙卑六位得豫樂四爻非莊敬與安肆冥冥禍福幾

豫二



四吉外自樂  
之交皆夫之

泰變即為盡否變僅為隨元祐紹聖事至今心骨悲

俯下知臨吉其如仰觀何相孚不待薦一盥已為多

以上

俯下謂之臨五知柔中有應可矣以下仰上謂之觀五剛中而孚如祭祀燕享不待薦爵俎而後為敬一盥手之頃民已知其為敬之至矣言化之速也

離明用獄四噬嗑責旅豐中孚夾離卦兩畫玩虛中

易道

无窮五卦言獄事其四取離中孚二畫虛中乃夾離卦也

剝三與復四皆處五陰中自拔棄其類吾推道是從

仁道成已極體元乾長人獨休不遠復當且學回仁

四獨

復二休復所謂從道下仁從乎初下乎初也初顏子也

午月至子復書云七日來六日七分說觀天何隘哉

至午

子七月而為復子至午七月而為姤聖人書復之七日不書姤喜陽來也京房卦氣六日七分說甚巧歷家一事不足以盡易之理

无妄均所與大畜患不多性豈無知者心如未盡何  
良上戒舌駟震初羞指蠢細觀頤内外口是禍之門  
大過本末弱厄運逢瞞奴文舉有死耳淵明其歸乎

習坎德天險重離文日新明內始照外亨心方發身

水內

明火  
外明

咸取男下女恒言婦事夫始感終當

字缺

君臣其謹諸

姤陰進不已吾遜其奚言陽壯過於泰

字缺

虞弒觸藩

夜闇勿遽戚晝光无疾行自昭惟進德用晦豈傷明

一女卦反對不同而後同始知天下事苟合最為凶

家人

睽皆二女嚙嚙吉嚙嚙凶  
豕鬼之怪遇雨而亡故云

在險惟反已出險即及人讓夷急病者蹇解二忠臣

損其不善者惟善則益之自然獲天祐可受十朋龜

五王復唐祚不殺武三思覓陸察爻義惜哉張東之

六籍火未熄龍興芒碭雲呼韓朝渭上已納王政君

謂復

姤

原筮而後比无疑方可升不食匪井患有言奚困亨

四卦

皆自守  
之意

震動對艮止革故繼鼎新飲啐隨時義天機信屈伸

屢厄未濟旅難逢既濟豐巽謙能自降蹇困詎為窮

易乃一量秤銖銖分重輕百千億萬事義理是權衡  
全卦定凶吉逐爻殊否臧頃刻有變易縱橫无典常  
凶人凶其吉吉人吉其凶曳輪能自信揲策勿求通

桐江續集卷七

欽定四庫全書

桐江續集卷八

元方回撰

醉翁亭圖引為趙達夫作

識本色人須本色臭味論心不論迹青蓮居士浣花老  
畫像有人能畫得非陳無已黃魯直看畫題詩難落筆  
醉翁萬代文章伯中年偶墮滁陽謫琅琊山亭釀泉酒  
翁心不醉醉賓客慶歷朝廷天清明誰張黨論搖昇平  
禽鳴不知人之樂黨論無乃猶禽鳴一時人樂從太守

交錯觥籌送杯酒樂其所樂翁來思賓客謹謹終不知  
既是賓客尚不知畫工焉得而畫之彼弈者弈射者射  
搖毫臆度丹青解醉翁醉態尚難摹翁心樂處如何畫  
皆山一曲吾能歌童而習之今鬢皤翰墨世無蘇老坡  
奈此圖中風景何

陳後山字無己山谷集有  
字說謂無我而師道也

讀張功父南湖集

并序

詩至於老杜而集大成陳子昂沈佺期宋之問  
律體泐而下之麗之極莫如玉溪以至西崑工

之極莫如唐季以至九僧三百五篇有麗者有  
工者初非有意於麗與工也風賦比興情緣事  
起云耳而麗之極工之極非所以言詩也謂如  
老杜七言律詩魚吹細浪搖歌扇燕蹴飛花落  
舞筵自去自來堂上燕相親相近水中鷗林花  
着雨臘脂落水荇牽風翠帶長風含翠篠娟娟  
靜雨裛紅蕖冉冉香學者能學此句未足為雄  
撲棗詩云不為困窮寧有此祇緣恐懼轉須親



憶梅詩云幸不折來傷歲暮若為看去亂鄉愁  
春菜詩云巫峽寒江那對眼杜陵野老不勝悲  
送僧詩云念我能書數字至將詩不必萬人傳  
此等詩不麗不工瘦硬枯勁一幹萬鈞惟山谷  
後山簡齋得此活法又各以其數萬卷之心胃  
氣力鼓舞跳盪初學晚生不深於詩而驟讀之  
則不見奧妙不知雋永乃獨喜許丁卯體作偶  
儷嫵媚態予平生不然之而江湖友朋未易以

口舌爭也乾淳以來稱尤揚范陸而蕭千巖東  
夫姜梅山邦傑張南湖功父亦相伯仲梁溪之  
槁淡細潤誠齋之飛動馳擲石湖之典雅標致  
放翁之豪蕩豐腴各擅一長千巖格高而意苦  
梅山律熟而語新南湖生於紹興癸酉循忠烈  
王之曾孫近得其前集二十五卷三千餘首嘉  
定庚午自序蓋所謂得活法於誠齋者生長於  
富貴之門輦轂之下而詩不高麗亦不務工洪

景廬謂功夫深目而癯予謂其詩亦猶其為人  
也溪清花鳴聚岸綠草虫多燕子初歸曾識面  
牡丹未放已知名不知何人以朱筆加點專取  
此等句子亦謂不然且如人生守定梅花死此  
句殊佳何人輒用朱筆圈改予竊謂朱筆之人  
未得所謂正法眼藏也功夫預謀誅韓而史忌  
之韓既誅即有桐川之謫後得歸坐前憾謫死  
象臺天下寃之言官程松嘗論功夫謂將家子

強吟小詩此乃刻薄無忌憚之言不足與校其  
詩活法妙處予未能盡舉當續書之今且題八  
句以寄予心

生長勲門富貴中  
糝糠將相以詩雄  
端能活法參誠叟  
更覺豪才類放翁  
舉似今人誰肯信  
元來妙處不全工  
鏤金組繡同時客  
合向南湖立下風

功父盡交一世名  
彥詩集可攷然  
南渡以來精  
於四六而顯者  
詩輒凝滯不足  
觀駢語橫於胃

中無活法故也然則紹聖詞科誤天下士多矣

夜吟

昔遇孫真人授我服氣訣幼讀先子書亦嘗窺秘說受  
持苦不堅兩鬢忽已雪謂當屏孛累煎復斷螢血干息  
嚙子夜顏色日腴悅奈何墮醉夢百病暗蟠結幽抱誰  
實知俗流每見輒城市不可居去去之巖穴

劉元暉來三首

君宅蒲荷岸吾廬槿菊籬相望能幾步不見動踰時老

更甘清苦閒應笑拙癡門迎到花底銜袖有新詩

浪出慙何益深居悔已遲積憂

原缺  
五字

定非癡暗事人能

料幽懷世不知叩門有斯客急以酒澆之

聞築船亭就能來共看花蒼枯庖海物豆乳買鄰家稍  
可從容飲猶當委曲賒歸途有底急不肯後昏鴉

### 萬山堂飲歸

追懷往者數賢侯得得經營續續脩依舊夜欄低北斗  
幾番春絮委東流同遊盡道山能好半醉誰知我獨愁

乃後吾徒身亦死題詩更有昔人不

為太守饒公虎臣魏公克愚宇文公

十朋

立夏明日行園無客五首

衲朝袂暮午衫單始覺春歸不再寒  
此子幽花三兩畝  
霎時啼鳥百千般  
世情落落全相背  
詩律平平略放寬  
連日飲徒偶焉往  
自炊香薤五盤餐

春來何啻酒千瓶  
百日醺醺一日醒  
朱筆點詩垂欲困  
黃鸝啼樹急須聽  
露沙不濕收微雨  
倚柱無言立小亭

芒屨犒僮人一編為耘惡草莫教青

尚欠佳篇與送春祇緣醉卧動經旬偶無載酒相過客  
始是吟詩自在人喜見笋芽穿瓦石都忘雨點漬衣巾  
園林全賴東風力莫道南風便有神

愛栽竹樹愛栽花新築舡軒傍石斜古廟炷香知某客  
半山搖扇望吾家間看紅袖穿林去可着冰紈作畫誇  
說似渠儂應未信詩翁煩惱政如麻

葺圃疏畦日荷鋤六旬老叟尚何圖卧床迫夏猶擅褥



宴几經春只藥爐羣竊花枝相侮易合攜竹杖與驅除  
千金萬卷皆捐弃更有心情計較渠

初夏

忽復荒山喚子規來歸已是臘殘時人窮怕老吾何愧  
夏淺勝春古有詩草鞞紵衫并竹扇石榴罌粟又戎葵  
猫生三子將踰月卧看跳嬉亦一奇

雨餘早起五首

燈暗牕明暖又寒破鞋不待蘚痕乾惜花愛笋人誰解

冒雨行來百匝看

枝枝紅藥蕊頭偏應是難禁宿雨湔好物不扶扶惡物  
已耘死草更昂然

密樹陰陰小石臺雨餘更綠幾痕苔蝸牛上到葵花頂  
日出如何下得來

濃綠園林曉雨新鶯啼近樹不疑人千枝罌粟紅如錦  
誰謂儂家已送春

懶照青銅雨墊巾試將款正問傍人含羞小婢無言去

應笑髭鬚總似銀

園感

栽培踰一紀補苴又三年樹倚根株在花憑種子傳幹  
移隨變幻顛倒恣頗偏縱不經兵革誰能保十全

早起

牕曙書燈暗聞居免報衙爭鳴百舌鳥各占一枝花寢  
內兒猶睡厨中物未賒露寒衫袖濕倚遍石欄斜

感昔

古郡峯巒擁吾家望最奇水疑無去處樹少不陰時峴  
首名猶在西州意自悲典刑與風景寧復後人知

此為舊知

已

### 回愚

人云回也樂愚亦定何如瘠產今無幾荒園尚有餘  
離騷香草木爾雅古蟲魚名數誰能記年來嬾著書

### 感歎三首

浪說千軍戰空登二紀名乾坤恩甚大毫髮事無成長

日柴門掩間人俗眼輕竊花無力護笑道近專城

長歌歸去來無乃已遲哉遇事佯如瞶從人喚作猷胡  
僧需酒肉成卒借亭臺豈不二千石閑居自可吟

孰識維摩病猶疑子夏肥少曾逢順境動輒履危機奕  
局雨斜濕吟牋風急飛夜寒逢惡客酒盡未云歸

觀圃

行行觀我圃物理析秋毫日夜新花發春秋老樹高力  
耕何所獲甕灌未為勞天地一樽酒螟蛉視爾曹

首夏二首

曬繭未繰絲晴天麥最宜樹陰常獨立禽語不吾疑苦  
笋烹勝肉新茶嗅醒脾薰風吹此句突過一春詩

寒燠分時序生成績化工竊遲登麥日肯怨落花風春  
氣何曾絕天機豈易窮誰云老圃淡早著石榴紅

次韻齊君

淵見過

近棄將印

從容談笑獵文場焉用椎鋒更挽強政使成功能裂土  
未如聞道許登堂勇捐將印機心息深隱書帷古味長

我亦暮年懶干祿肯來同醉簡編香

次韻唐師善見寄

聞風足使鄙夫寬家世言詩自杏壇萬卷古書侷藏室  
十年深谷隱王官大材益厚搜楠植至寶終垂琬琰刊  
媿我老衰已無力青雲中道鍛飛翰

歸來數畝小園寬風有軒櫺月有壇總為才踈能忤俗  
兼緣興盡合休官空山老死知無補往代興亡稍欲刊  
洛下寄書藉黃犬尊鱸終恐愧張翰

次韻陳正之團扇畫一魚二首

莫想銀絲膾冰盤一醉吞好為玉帶佩朝謁九重門

妙得濠梁趣任公牯肯吞缺字泉如有待頭角上天門

送前歙黥

原缺三字

五首

思義

歙山瘦露骨歙水

原缺三字

歙尹清瘦人意與山水淡居官

儉以廉飯茹或不糝解官卒難去抱疾偃破毯凍僮僅

縫補羸馬缺灌啖客至碁一局無客書自覽俗盲鬼神

聾跣徒肆豪敢害盈殊不驗君子例坎壈九闕今可排



勿待雪生領去去朝天衢離別何足慘

歛三萬戶多黥戶減半少君才宜大用何乃易而小易  
邑不易心千江一月皎歛民時有謠奪董茹我蓼黥產  
足筒布麓綌自纏繞黥之酒良佳樽中無清醪歸來卧  
城東債閣臨木杪唯有一卷梅古色暗錦標高官躍大  
馬鼓吹日擾擾廉吏無人知酸吟夜連曉

吏方居官時美譽無不有及乎惡聲出乃在解官後有  
勢易為好無勢易為醜萬事要諸終公論翻覆手請看

楚大夫得代數年久兩邑父老言至今不改口予決未  
始私餽獻無所受不為病留此熱官已唾取鼎貴何足  
云人當論賢否黜歛君桐鄉此亦足不朽

天王理萬國勢必委諸吏製字從一吏執法不可二奈  
何雍也面胷臆伏私意兩訟一求捷兩役一求避含糊  
卒未決徐徐較餽遺酒菓若羔鴈書畫及弊器到官一  
物無去官百需備此縣與彼縣大率不相異獨有楚縣  
尹不肯作此事無錢買歸舟僕馬亦頗賴

儒者書隱公昔持浙西節按一青溪令聞者膽為裂先  
聲到江東庶亦有旌別似聞復留中駸駸管喉舌君可  
持我詩叩門細自列貪吏劇百巧廉吏抱一拙拙廉名  
弗彰巧貪位深竊何啻萬蚊蚋日啞生民血我老死已  
近分甘糧欲絕此公能薦君長鬣幸未雪

戲書

萬有非真偶有之條無合悟本無時伯夷季札輕千乘  
肯着春風護柳枝

詩思

野眺荒山外詩愁細雨中肯令一字俗已拚百年窮病  
體皮膚皴寒庖糗餌空戎葵獨何事故作向人紅

百憂

病骨真如削耕疇已盡捐終隨萬形弊何用百憂前常  
肯事如意恐無詩可傳屈伸判成敗吾亦聽之天

解悶

苦吟成癖習多難迫衰年生理終無賴詩名似許專剛

腸百鍊勁老筆萬鈞懸得失元相半乾坤本不偏

夢作

幾年于此矣愁鬢雪垂垂已悟身為幻猶能夢作詩百骸誰不朽一念未全衰用盡平生力唯吾影自知

灰心

志大終癡拙年衰合老成口無談世事身不要時名偶後諸人死猶餘幾日程灰心良已足拊髀未須驚

驛四紙五

皆十一齋  
皆上聲

謝康使君見訪示詩觀奕

天錫

慶之

妙年曾到鳳凰池  
五馬能臨六枳籬  
量淺最難勝滿酒  
着低何敢抗高基  
森嚴法度蠶頭字  
瘦硬丰標鶴膝詩  
自笑書癡了無得  
文章太守是吾師

謝汪以南借書惠米

政是黃梅欲近時  
山城雲滄雨垂垂  
斷橋沒碓驚新漲  
濕蘆泥蔬續晚炊  
乞米已慙顏氏帖  
賣書還笑杜陵詩

廣文絕少克枵甌  
更肯芸籤借一鷗

一作瓶與鷗夷  
皆酒器以盛書

三吊吟四首

并序

近有陳印書一夕醉死有姚梢工以小舟下汝灘鄰家僮浴馬犯漲潦皆溺死予聞之為三吊吟其四則嘆夫兵死者之衆而世人莫之憫云

市有印書叟日印可千紙間得工墨錢苟足贍妻子近欲役其人告者謂已死醉歌夜徹曉熟卧呼不起人鬼頃刻分火葬骨骸燬豈不謂達生誰獨能免此

險有不可測能有不可恃善泅狎波濤篙工死於水歛

南百里許有灘一何駛昨日索我書辭我庭下跪明日  
淪小舟膚髮飮鱸鮪寄言得志者徵律未必是

湍溪漲梅潦一夕十丈強愚哉浴馬僮視之如尋常高  
岸一失足馬尚能騰驤僮屍不可得漂流落何鄉握轡  
徒自謹墮窅已足傷人間平坦途中亦有海洋

偶聞一人死惻怛吁以驚千人萬人死能不愴厥情長  
平幾性命銳頭付一坑亡者抱永痛勝喜功名成功名  
豈不成機心何時平人心苟若此誰謂天好生



夏日

多病情懷懶新晴草木光  
倦骸扶老瘦幽逕息陰涼  
家瘠盤餐儉村荒糴價昂  
豈無可憂者得句暫能忘

說詩

齒髮侵尋落風霜取次秋  
口須湔乳臭川合向東流  
沈宋中嘗悔江湖晚更羞  
此聲專老杜猶俟到夔州

晨起二首

近市招醫士空庖督饗奴  
羶葷猶可絕藥餌豈容無  
既

欲營猫飯仍當續馬芻晨興百需缺獨喜見吾雛  
蚊蚤宵為梗葵榴曉可觀偶無醒待解自覺寢難安深  
瘳穿蒙密幽陰度屈盤忽驚一點露滴人髮間寒

日長三十韻寄趙賓

栗里淵明徑橙林子美堂亂離容不死窮乏果何傷紅  
粒炊秬飯青藜煮菜湯甲兵才偃息城市轉荒涼最苦  
樵蘇貴曾微藥餌良頻仍賒酒飲卒急賣書償敗絮熏  
還曝麤絺洗更漿炎蒸雖漸迫寒冷尚宜防淪茗徵甕

蓋包梨集紙囊頭昏修菊枕膚汗拭藤床困倦成衰懦  
踈慵欠激昂廐空需馬藁確淨缺雞糠思慮徒迂闊營  
求竟渺茫憶兒觀燕乳懷友聽鶯吭守分甘邱壑逢時  
付廟廊骨骸同朽腐名字孰芬香但握鋤犁柄終逃鈇  
鉞銜交遊多豎褐談話止農桑應俗循中道願生寶祕  
方鄰僧營藏字俠士戲毬場角武焉能徃摘文或可當  
病稀摩詰問歌類接輿狂舉世嘲癡叔何人識漫即北  
轅迴朔漠南棹輟沅湘誼氣知猶壯頰齒懼不遑六旬

過眼電萬事滿頤霜靜樂非無動間遨却似忙連苔移

巨石帶露數新篁天地詩人少山林夏日長此心無別

路一武到羲黃

近隣寺僧求為撰藏殿疏予家近山其上日有武士擊毬

次韻謝胡子游學正二首

咏

瞻紫陽山日仰高此翁暮景亦云勞一爻變卦逢初遯

萬古哀心寄續騷倬彼大賢猶蠖屈矧予小技僅蟬號

竹林書在吾能讀不厭千週更百遭

泮宮分席佐邦侯免使詩人諷不求九轉定應能點鐵

一泓何可着吞舟稍知今是山林晚獨奈吾衰歲月流  
徑欲為君賦招隱朝簪竊恐未容抽

讀子游近詩復次前韻二首

江湖流輩互相高刻楮搏沙漫自勞孰肯剖腸湔垢滓  
始能落筆近風騷通疏障礙河東注剔抉幽微鬼夜號  
漢魏以來數人耳曲須和寡始為遭

射至於侯又中侯盍求諸已勿人求欲升海底珊瑚樹  
不籍沙邊舴艋舟急要瑳磨刪俚語可容藻鑑徇常流

端能過我論茲事一聽盆繅軋軋抽

次韻汪以南閒居漫吟十首

併序

以南廣文見教十詠其一閒居觀元工閱往古  
而厭世故也其二太白真天才望黃山而懷謫  
仙也其三采采芙蓉花借芳卉以諭養心也其  
四大雅久不聞思古文而美昌黎也其五為詩  
必知道泝騷雅而嘆近作也其六團團木蘭樹  
想甘露而嚙華池也其七三才具方寸求諸內

而養黃庭也其八聖門大於海言聖門之無棄  
人也其九仙都著兩翁謂康使君為文章伯一  
翁可也以予並稱兩翁未也其十百川必歸海  
悟夫運世變之代謝而從心以自適也

呈而意或有不能必同者焉

恭惟天地心物物息相禪詩人卜豐年生意寓雪霰彼  
但言其消壁言夢幻泡電癡憫狙公賦忿斥蝸國戰焉知  
往聖作視世豈郵傳嚮明翫化育司牧必南面寸丹對

上穹退以學自練至其出為物遇暘忍不扇吾目故未  
瞽此道若有見自養非所養焉敢事荒燕

渴心望古人無井可不鑿但勤駕馬駕定勝屠門嚼長  
懷謫仙翁英爽謝冥漠茲山肯神遊曷日旌旌落惚恍  
琴高魚飄搖子晉鶴空餘泣鬼詩光燄耿如昨昇天人  
有分換骨豈無藥舐鼎化雞犬此語君勿噓讀書三萬  
卷太白亦可學

采芑采于田采芹采于水豈弟君子心作人豈異此神



農昔嘗藥志在起人死百聖一樂育亦如嘗藥然醫國  
得一士億萬性命懸詭誕王母桃幻虛太華蓮孰為返  
魂草足扶天地顛嗟嗟燕昭王海上求神仙不務長爾  
國徒欲長爾年

何人不骸骨龍蟻共一朽聖賢獨不死天若顧之厚太  
昊初畫卦迄周興井柳經制斯大倫中墜賴魯叟立言  
棟綱常萬古絕夷醜荀揚猶微疵晚出揭韓斗力禦異  
端侮聖門儼先後末學能臻茲身泯譽常有

晉季有詩人忽如古伯夷其人果為誰請讀淵明詩同  
時顏謝流望風悉披靡東阡西陌間黍稷何蕪蕪烹葵  
酌濁醪世味無復美百萬呼盧公枉為寄奴死漫仕心  
未安託辭避郵史自挽何謂亡宇宙與終始眷言塵纓  
客試問滄浪水

夏葵時丹卉秋菊培金蕤曷不執菽粟猶足療調飢曰  
予心不然求飽何黨之傾日與傲霜志定節不移懷古  
睇此物聊足慰我思不見恩澤侯崇侈事臺池失勢一

蹉跌書堂荆棘滋豈復有緋紫走趨列宿墀小圃異金谷應無陸樓悲

占易用九六初爻變乾坤時當退且慎復命歸厥根渾天日夜轉中星異旦昏北辰儼不動帝居華蓋尊於人是為心君子嚴操存肯受外物汨澡擾搖精魂皇澤甦早曠時雨翻天盆敢不儻微力先後風雷奔九關守虎豹崇墉方言言餒也自其分秉耒耕荒原江左瑜蓋輩豈必賢虞翻湯網無厄羽文治無困麟一物有疾痛聖

王視猶身如何杏壇上鳴鼓攻門人材有善不善大匠  
嚴選掄所以獲麟筆有秋斯有春

魚龍古仙翁諸人賴私淑五教紹虞敷六藝極周郁邦  
侯絕相知異君大雅姿胡欲撤臯比不願為人師老我  
羽已鍛棲此鷓鴣枝君當上青雲阿閣巢長離

億劫日月曜萬古河江流惟有人壽短况不皆白頭石  
火僅微吐草露已遽收下士惑齊物祖述逍遙遊說夢  
悔蟻國悟空驚蜃樓實踐我異是鑽仰師尼丘志學至

從心絕筆於春秋相魯故匪泰厄陳初何憂比彭十不  
一聘輟半九州中道嘆不行嘗欲乘桴浮顏子天窮巷  
季路戕兇矛是亦各有命豈伊聖門羞人生苟聞道寒  
肌勝玉侯脩身以俟死言行無悔尤寄語夜讀子繼晷  
崇膏油

力學

力學衰猶進治生晚不讎操心元自定忤俗果何由塗  
抹餘千紙浮沉等一漚忍窮兼耐辱失笑未包羞

贈孫元京嵩近以詩見示二首

道豈與身窮相逢兩禿翁  
高懷真悃悃薄藝媿空空  
同谷吟山雪愚溪感候蟲  
斯人何可作尚獲見餘風

舉世無高見斯文有正音  
稍工仍要拙寧古不為今  
末俗難容喙空言苦用心  
未妨全瘦勁却恐太幽深

送陸君重虛五首

胥謂真英妙元來極老成  
詩書裁簿領忠厚勝聰明  
熟料乾坤事難窮九萬程  
吾衰今已矣公等付蒼生

謂世無廉吏吾猶見此人政聲口碑在陰德

原缺二字

新薄

俗難開眼亨途易致身一清當百濁端肯混光塵

豈不亦分符圭田廨宅無一樓樓儗寓百費仰家租琴韻消長日詩盟許老夫用心自塵外未覺與同途

四寶堂空後歸舟有底珍唯將好山色可語故鄉人他日公能憶吾邦俗尚淳信難臧否遽早覺是非真

起伏難前定行藏喜自由足堪娛壽母幸不乏先疇酒具饒魚蟹郊居少應酬兩無慙事育何用到壺頭

病因飲致

痰鎖封喉管瘡釘突齒齟猥勤無算爵肯顧不貲身未  
即容殂謝徒令受楚辛果能深避地何敢妄尤人

悔少作

崛強輪困謂絕竒刮摩剔抉更多疑彭門峻步勤除道  
粟里高風晚得師乃後容賒十年死定應全廢一生詩  
根柯直待如銅石始是參天溜雨時

入五月病二七日



病已捐蒲酒寒猶擁絮衣形骸元自劣氣候每相違人  
死朝朝有吾衰事事非尪羸存喘息聊復信天機

生日病中

偶復逢生旦何知道死期老真難躡病貧實怕迎醫自  
擬修理誌誰猶字缺壽詩不應六旬叟未減一分癡

病稍愈戲書三十韻

藥滓棄盛鉢藥貽堆滿案藥價殊不廉藥效一何緩身  
昔未病時飲啖百無憚一病半月餘食味等土炭晝睡

反多夜夕呻每徹旦席硬骨加痛衾垢膚轉汗三更渴  
吻急強起揭書幔燈暈大如盆故作紅碧爛年今五十  
九溘死詎足歎先君抱幽憤較茲減三算杜梅兩詩老  
聲價百代冠享壽僅及此官職亦云漫又如同學生何  
止天闕半中道或無成萬事春凌泮老我幸已多苟脫  
兵火難剝膚極脰削鋤口就退悞造物屢見赦得失互  
驚惋未容遽朽腐更遣足憂患假如即不起游魂去常  
榦殮具無可陳襄事孰與贊二兒寓鄰州兩月消息斷

何時捐別業理舟抵歸岸人生良艱哉受此世緣絆捨  
榆及搏風各各憑羽翰至靈可不如外攻之中捍自非  
有仙骨寧免寒暑鍛彭殤終同途顏跖匪殊貫形凝靡  
不銷氣聚會有散達者悟斯理盧胡一笑粲排悶寫心  
謠治命實非亂

次韻趙達夫問疾

煩君遣信問何如霖雨無人叩陋居孰信着綿當夏半  
自驚伏枕已旬餘百年未辨書傳後一壑猶欣服返初

處約得衰更多病從今誓與酒杯踈

次韻趙達夫過訪

無限溪山畫不如特尋花竹到貧居相迎具茗涼堂上  
獨肯衝泥苦雨餘伐病政思翻素問論詩徒覺過黃初  
脫然百脉俱甦醒藥餌登時已可踈

次前韻賦隱居二首

崑岡玉火脫焚如萬事灰心此定居今古真成一夢耳  
行藏略算十年餘曾微實譽歌來暮豈可虛言賦遂初

邂逅乘車還戴笠未妨多病故人踈

舉世紛如自泊如荒園僻巷閉門居總干和鼎非吾事  
啖茹燃萁不願餘林下一聲蟬噪處山間十日雨晴初  
空階刺放苔痕長始信先生屐齒踈

斷酒半月餘

毒手遭風伯危機伏醉鄉不成摩詰病未悔次公狂飲  
器質錢盡酤墟添價昂酒徒容改事瓦椀茗芽香

送陳正之三首

老筆文無害升堂指顧間才高心每恕事遽色常閒  
碁局消長書詩囊括好山去時似來日添得令名還

婉畫循中道廉名集美譽直知能解事元為飽看書用  
法何庸盡頒條本自踈鄒侯端許繼不問吐茵車

昔在東原北高唐一再行金書儒廟壯畫壁驛亭清仕  
宦中年達親知遠道迎江南何處好細話紫陽城

夜雨

樹與山同黑聲喧瓦欲飛雷行無蚓喙電起更螢輝小

市收燈早荒城擊柝稀平生聽雨意終恐壯心違

驟雨

道妙無生有神凝氣孕形為誰膏草木何物起雷霆本  
質端能受元功豈獨靈老夫已枯槁衰白肯新青

連雨

下潦多成疾荒墟或告飢夏寒幾閱月晝晦動踰時陸  
果全無味新禾間欲萎可能留少許庚伏灑炎曦

復雨

鬱蒸終不解白晝忽昏迷樹暗全如暮禽驚誤欲棲銀  
絲斜翠壁雪練墮青梯壯觀何須數茫茫后土沉

怒雨

今歲黃梅雨龍公刺作威雷抨山欲碎風掣樹如飛患  
濕憎沉屨聞腥嘔垢衣飢猫避誰屋竟夜不能歸

淫雨

城撼濤聲上山埋霧氣中郊原成澤國舟楫羨魚翁浙  
右田應沒巴西雪更融斯民恐魚鼈孰為訴蒼穹



苦雨

苦雨何其久山鄉化水鄉月餘沈確磴天半起帆檣孰  
不思神禹疇能餉子桑溺飢非已責愁絕望朝陽

久雨

肺病兼脾病葵花復槿花間猶常不樂老欲更何加客  
訝添新犬童喧斷小蛇窮居非得句持底謝年華

桐江續集卷八

欽定四庫全書

集部

桐江續集卷十九

詳校官中書臣孫溶

主事臣呂雲棟覆勘

總校官庶吉士臣倉聖脉

校對官典簿臣劉景岳

校對官中書臣孫球

謄錄監生臣何延禮

謄錄監生臣沈方大

欽定四庫全書

桐江續集卷九

元 方回 撰

始晴至城東別墅二首

踰月黃梅雨，河流屢溢涯。  
蟻宮危智伯，螢燭困藥巴。  
忽喜迎初日，猶嫌見早霞。  
淡晴城外路，緩馬過荷花。  
不堪一月雨，才得一朝晴。  
漲水聲猶悍，初蟬語未成。  
目專便曠野，身偶出荒城。  
無客仍無酒，林塘覺更清。

題牧牛小卷

一童縱牛眠柳陰一叟渡牛波水深此眠定無南柯夢  
此渡不憂人鮪甕蓑風笠雨開荒寒是誰幻化生毫端  
嘻其太平古天下不然人牛兩奚暇

紅雲亭即事五首

併序

歛邑之左屏山之下舊柯氏小墅前三十四年  
壬子予為名曰紅雲亭谷中有水三塘環以花  
卉後歸之子既經兵革非復疇曩而林泉映帶  
之間每至不能無詩近數小憇故屢賦之

一行城外路事事勝城中是處稻爭綠誰家蓮忽紅深  
籬幽戶閉小水暗渠通獨坐謀詩句何人識此翁

遊觀不在大但取意踈恢積雨欣初霽閒人偶獨來目  
隨新句轉萍殿去鳧開無酒勝於酒移時再茗杯

三十餘年事千紛復萬紘戰塵飛白羽花事夢紅雲園  
契更為主州符閱幾君池聲送今古猶似舊時聞

江湖垂老死天地忽風塵豈不多華屋何曾屬主人此  
亭聊着眼數口僅容身雞犬桑麻裏侯王愧小民

池塘通磻水籬落護柴門昔在承平日誰知化育恩艱  
危多死徙僥倖或生存予亦間闕久頻來憇此村

水亭待孫元京過之歸途

獨向水亭坐未聞詩友來入城還偶遇下馬與同迴各  
已沉雙屨終難致一杯菰蒲偃微雨忽見野蓮開

屢至紅雲亭並苦無酒

小閣虛牕手自推碧池天淨鏡奩開深涵樹影無風動  
驟唼魚聲似雨來六月今年全未熟一詩吾輩易為才

欲呼鄰友相酬唱官禁何由致酒杯

小樓

乾坤今古事盡在倚欄間初上似登塔忽高都見山醉  
眸天共遠吟思暮忘還城市如巖壑誰能共此間

州學遇劉元輝胡子游二首

五十年前幼學兒讀書窻下此從師前脩何限驚埋沒  
往事無蹤隔亂離蟬挾晚風穿故閣蝸憑宿雨蛙殘碑  
誰憐昔日重髻友白首相逢共賦詩

小兒今忽六旬翁尚憶無人鬼嘯風

學舍食已空齋而出

三歲棘

闌懸造化兩時飯鼓老英雄致身卿相談何易責備春  
秋論亦公磨滅山林心不愧豈無窮者勝於通

次韻感學事二首

風雪誰識舊童兒法令今惟柱後師刻棗誰書驚蕩盡  
踏槐遺老嘆崩離堂中授講亡高座廡下題名剝續碑  
奎壁不存齋舍改端能為泯少年詩

戰輦驚倒白頭翁慨想青衿舊日風或厭三場爭小技



孰知一目網羣雄  
齏鹽此地涵濡久  
藻鑑他時賞拔公  
松老槐顛異疇昔  
定應窮極道還通

東山廟

在報恩寺之側

靈跡從來擅勝遊  
茲山亦復甲吾州  
杉腰一殿懸金屋  
雲脚千家聳畫樓  
鐘鼓鄰僧新院宇  
桑麻平世舊田疇  
乾坤大數誰能問  
生者聊存死即休

用新舊字一聯極平平而意味似遠

平生不肯如此作詩也

送孫元京還講舍

袖有銛鋒日夜磨  
刻雕宇宙柰君何  
俗談世念神山隔  
人品詩評白眼多  
大似石宮元子詠  
更能銅斗孟生歌  
暮年我亦詞華落  
欲卜溪鄰買釣蓑

題孫元京近詩

後生如蝟總能詩  
骨弱瞳昏俗不治  
忽似再生蕭德藻  
已應突過李之儀  
掃紅紫陣觀黃落  
懸萬千鈞繫一絲  
精刮潔磨猶未已  
直須陶謝與同時

次韻贈道士汪庭芝二首

併序

予先姊之子曰汪舜卿庶子庭芝始生嫡怒弗  
舉再從叔父漢卿與族人共藏而乳之少長令  
着道士服栖歛之乾明觀年二十有三矣詞翰  
已若老成亦知命隱迹以脩身可也贈詩盈卷  
多失初意予因用韻寓規焉

鴻鳩不遇豈非天鬪穀於菟亦偶全中野履霜寧怨命  
通宵煮石且隨緣此身幸是無還有所學當今後勝前  
肯復杏壇聞木鐸可能蓬島問風船

七葉衣冠尺五天赤眉兵起竟誰全備嘗庶孽流離原缺

二字會仙真接引緣身世萬端艱苦後家門十載變更前

操持正要看帆拖勿便誇為到岸船

次韻汪庭芝投贈

魚龍仙派古來聞南渡樞臣七世孫幸不幸間身且隱

玄之玄處道常尊惜間刺讀真書傳入靜時思舊戶門

送往恤孤尚留意亦防公議恐無恩庭芝去樞密勅七世丙子盜起汪氏死

者僅三百人父舜卿善人也群僕不忍殺引避使活而掠焚其家皆游今夏始以病卒庭芝尚有二弟當留意

意者也近見予神仙傳欲借讀內劉向列仙傳非向所著有曰武之不遠漢儒豈敢斥宗廟乎故欲其讀真書也

### 秋暑家多病者

酷暑端何物窮居值此辰交秋六七月連病兩三人虛  
屈名醫至深憐老子貧婢慵吾亦愧煮藥缺烏薪

### 早起煮藥

五更鐘已動起步望中庭東壁忽聞雨西牕猶見星

原缺

二字燃小竈汲水淨空瓶兒子歸來好年來乏使令

歎笑

意外無憂惱予心豈厭貧索錢紛債主賒藥媿醫人坐  
喪高標盡時驚俗態新殘書亦懶讀滿架付埃塵

七月十日有感

十年前此日視篆上嚴州借服初金佩峩冠尚黑頭乾  
坤誰失馭江海已橫流保土雖無恙忘家弗自謀寒門  
驚瓦裂癡子困萍浮追憶危沾急都忘屈辱羞衆推真  
膽大孰察暗眉愁盜賊誅鋤定租傭減閭優民功差稍

稍已事太悠悠綿薄稀儲峙貪婪恣取求冥懷隨命運

失意起冤讎屢跋三闕馬更乘四瀆舟

謂江淮河濟皆至今黃河入淮

長城青塚月大漢黑山秋甫息臺卿擔空餘季子裘解  
官終欠早破產復奚尤酌柏悲先壠畦蔬偃故丘信書  
無一得負債有千憂倒篋衣俱典連床藥未瘳不如窮  
百姓何謂古諸侯公論誰詩可蓮花博士儔

送曹鼎臣君鑄二首

上下房曹氏嘗從譜系知科名凡幾榜家世何能詩文

獻風流在才猷仕宦宜速須旁郡祿歸慰老親思  
氣骨今年改除綸定不難勿言官職小足庇戶門寒楚  
雨禾猶綠燕霜樹已丹故人如見問家尚寄巖灘

秋到

秋到山居僻貧無異味嘗擘黃新粟嫩炊白早秬香漸  
減家人病徐添夜氣涼憑誰理荒穢籬菊苗長

涼夜

掛屋星河淡環牕草樹幽燈昏天欲雨簟冷夜初秋尚



覺孤身健能忘滿腹憂去年田事薄猶復有微收

無物

一屋無他物荒山此僻居小兒差類我老馬最憐渠久  
絕樽中酒空堆架上書頑軀猶不死晚節竟何如

憇老

憇老千山裏投閒五載餘直令艱日糴何用戀鄉居白  
傳欲賣宅虞卿空著書秋園菊籬好荒草欠人鋤

觀食嘆

里巷有窮叟，頹屋僅四壁。晨出暮乃歸，升合賴筋力。何能致大嚼，所具但糲食。上以飫老妻，下以餽子息。每飯焉得飽，醯醬或弗給。懽然咀啖間，相對無戚色。誰家粗祿仕，梁肉頗豐殖。至親本不多，辛苦養奴客。雕盤割玉脂，香甌淅珠粒。精暇及美糗，俊味豈易得。大姬挾怨怒，不舉至日昃。小婢亦仰面，屏置若弃擲。政爾萬金重，不作一錢直。主人敢興問，翠眉愈煩嘖。乃知鐘鼎門，庖宰刀机亦不如。

原缺二字

底破鐺煮蕎稷

老馬行

十年何啻騎千馬望風此馬甘為下老夫與爾共艱難  
定非苟且相逢者憶昔專城鬢欲霜宇宙茫茫成戰場  
指呼壯士斬羣賊蹀躞濺血霑靴裳廐中始與駑駘列  
夜夜向風嘶曉月咆哮跳躑不受鞍獨我乘之心妄帖  
韓幹曹霸畫圖同耳小胃開蹄踏鐵吳隄朝望海門潮  
薊門暮踏燕山雪黃雲衰草出長城碧眼虬髯逢者驚  
百人走驛落喘汗力追不及猶緩行痛飲爛醉仍宵征

了無傾側肩輿平髮雕齒鈍兩衰暮重到江南如隔生  
我閒解官甘寂寞爾病良醫頻灌烙去年西湖往探梅  
雅稱是翁俱矍鑠陌上誰家年少郎千金美妾規紫光  
謹營芻豆尚努力永伴殘年田子方

編續集戲書

朝衣已當酒家錢更賣山中二頃田盡聽小姬辭別院  
單留老馬伴殘年假令埋骨終無地斷許知心獨有天  
一事差強今晚輩桐江續集又千篇

隱者

土木形骸八尺身  
碧眸如電氣如神  
笑拈草化燒金藥  
狂折花簪漉酒巾  
百萬生靈枯冢骨  
三千世界戰場塵

原缺  
二字

生死閑中看  
聞說蓬萊淺又新

閒居

疊嶂層巒畫不如  
雖貧未死比閒居  
舊移一紀桐初大  
重種三年竹尚疎  
定借厄窮延老壽  
敢禁禁黠笑癡愚  
鄰家夜夜誰吹笛  
每輟燈前數葉書

登屋東山作

我生笈拘束萍梗隨游宦遲暮齒髮落歸來歲已晏

原缺

二字一紀前罷官避讒訕故人為買地誅茅偃巖澗忍飢

苦不堅浪出蹈憂患繆遭千騎擁動閱萬甲掾亦嘗排  
九閭稍納小臣諫遂窮事已去運盡淚空潛狼虎恣吞  
噬鬼蜮肆褻嫚豈料全性命復此時葵莧壞屋如敝衣  
隨意補破綻北簷著馬槽南牆葺羊棧東山一何高癖  
習喜登觀荒蹊乏耘丁褰裳現骭胛百谷鎖密霧秋陽

一除鏟聚落草樹分耕畝岡陂間凍其寒事迫天意欲  
過鴈蘊隆茲可慮旨蓄焉所辦曰予本婁士枯淡少小  
慣但恐涸轍魚生望絕罩汕皆用儻粗給終老寄衰慢  
不然棄去之七澤釣葭亂蛟龍無定宅麒麟不受豢昧  
目埃堞兒孰能判真贗

讀放翁詩作

放翁六十二起家守嚴陵三稔即祇召禮闈直青綾虛  
翁四十九外補當兵興七稔始受代萬死脫怨憎放翁

原缺  
二字

豪決起天池鵬短章異大篇徃徃蛟龍騰虛翁亦

嗜詩瘦骨枯峻嶒欲和郡中作百冗嗟弗能曩讀劔南

集幾夜挑孤燈今茲一再讀憤氣填我膺公昔承平日

從容泥軾憑嘯詠遍泉石醉樂多賓朋而我值變故禍

患來相仍撚鬚意少暇曉夕惟戰兢拙藁千取百秋暮

號蟬蠅仰望子陸子絕意天階升忽夢一老仙電眸齒

如冰手執玉如意坐控琴高鯨指麾若講授揖我謂我

鷹天道有壇陞所

原缺  
二字

級登汝年故未耄亢健侔霜鷹



乞汝九萬牋但勤攻剡藤異日大羅天後車許汝乘西  
風蕭蕭涼桐江碧澄澄祕訣隱舟崖古刻刊蒼稜萬重  
雲霧間往問南山僧

得老

方腴前臚與同甘茹瓠朝朝滿菜籃萬馬昔從行漠北  
一蓂今得老江南將軍夜度彈箏峽處士秋棲掛節巖  
予奪喜嗔兩堪笑暮三何必勝朝三

次韻張慵庵觀子奕棋

與牧豬奴可不同嗟予老矣尚心童戲拈玉子鳴飛電  
良喜青裾駐織葱浪設機關何所益僅存邊角未為雄  
小髮有着能相恕冷被傍人笑此翁

秋風

刺喜秋風起空庭老樹間夜涼瞻北斗晨爽對南山

原缺

二字黃花近今年白羽閒未妨缺耕斂尚覺老軀頑

寄康慶之錢塘二首

奕品深參古爛柯筆蹤傍出舊臨河詩成不覺千篇易

書讀曾踰萬卷多壯士玉闕汗血馬美人南國採蓮歌  
俊遊竒觀平生事將相其如此老何

暮年生計乏從容六秩臨頭萬事慵官酒河豚如有毒  
故姬秋燕已無蹤往來迎送猶多事俯仰炎涼竟少悰

原缺  
二字

已知心欲去西湖同賞木芙蓉

### 估客樂

為吏受賕嬰木索漢相忽遭東市斲不如估客取邪贏  
居貨罔人人不覺布素寒儒守鄉學夜夜孤燈同寂寞

不如估客醉名倡百萬呼盧投六博估客樂哉真復樂  
大舶飛山走城廓珊瑚未數綠珠樓家僮多似臨邛卓  
十牛之車三百車雪象紅牙水犀角養犬喂肉睡氈毳  
驢槽亦丹腹生不羨鳳凰池死不愛麒麟閣估客樂哉  
真復樂邇來六月錢塘潮一估傳呼千估愕大風來自  
度朔山吹倒岷峨舞衡嶽一江一日殞千艘四海五湖  
可隄度諸寶下輸龍王宮鰕蟹龜鼈恣吞嚼人言估客  
樂估客有時也不樂百年計較千年心不禁一日風濤  
惡近六

月浙江風湖  
失舟六百艘

六十吟五首

六十衰年萬事嘗  
西風迴首戰爭場  
科名官職俱虛幻  
學問文章總廢忘  
死見幾人饒酷毒  
生憐此老尚昂藏  
故應許似籬邊菊  
百種花殘獨傲霜

六十曰者七十稀  
西山能有幾

原缺二字

賓鴻蟄燕秋如故

朗月清風事總非  
美酒難求周九鼎  
麗人多僭管三歸

衰榮顛倒知何意  
草上誰家露不晞

近來酒極難得而一人有娶數妻者

開歲當為耳順翁知非又過十秋風尚多兒女婚姻

原缺

二使田園伏臘空迎菊作詩先自喜設茶當酒未為窮

頑軀定不緣愁死縱死還如不死同

三十年將一世論繆悠兩世見兒孫紛紜往事皆如夢  
漫浪虛名獨許存蚤遭候蟲憂敵絮懸知壽客笑空樽  
徑蕪階葉無人掃卧聽秋風晝掩門

書暑微適暮已涼中秋

原缺三字

重陽少時痛飲不勝樂老

病積憂無此狂歲六十翁扶藥餌家三百指望裏囊空

庭月側荒山悄起望星河夜慨慷

覽古五首

人有好與惡造化無頗偏種穀匪種稗稗實在穀先謂  
天不佑惡細察似不然麟鳳世罕識蛇虎動百千泗水  
兩師生萬古大聖賢瓢飲短命死絕糧陳蔡間雍徹柄  
魯政膾肝延年氣運苟如此周衰何足言

讀書以脩身末惟利之漁夏侯詫拾芥桓榮陳其車初  
學昧訓詁利心已炎如為吏未識字嗜賄不顧軀青青

凌波麥歌聲何舒舒金椎勿造次恐傷口中珠豈不事  
詩禮所為乃兇渠用世率此輩生靈夫何辜

父子具曰聖相謂為仲尼獨於春秋學盲心無能稽僻  
說竺老滓苛政斯鞅靡神天有弗察大柄斯人尸典干  
起九死衆鬼宗魔師紫宮坐張楚赤縣生劉齊鏐帥豈  
辦原阜實召之至今二百年遺禍殃蒸黎

賢者儻畏死世論終不公古若不置死何藉誅妖兇荆  
舒底姦鬼廟食丘軻同舉世知其非嘖嘖不敢攻著書



斥日錄獨一陳了翁禍至裂宇宙板蕩中原空筆削討

厥罪乃在乾淳中我讀四朝史方知天聰聰

四朝國史  
王安石傳

最佳文雖簡  
而能盡其罪

六經樂故亡三禮復不完名數頗并刺或亦疑同官易

詩書春秋論孟庸學篇彌縫救破斷誰實心斯傳始以

營道翁終之紫陽僊堂堂七君子如日常在天有暮必

有旦豈無來者賢大匠一朝作繩墨其捨旃

周王程張  
四人文公

宣公成公三人  
為近世七君子

北珠怨

北方有奇蚌產珠紅晶熒天鵝腹中物萬仞翔冥冥此  
貪孰能致俊鷹海東青鈎戟為爪喙利刀以為翎採之  
肅慎氏扶桑隔滄溟無厭耶律家苛取不暫停中夏得  
此珠艷歸生芳馨遼人賈此珠易寶銜字缺輶東夷此為  
恨耻壘嗟罄瓶渡兵鴨綠水犁掃黃龍庭夾山一以滅  
河朔無鎖扃幽燕及淮江赤地戰血腥徒以一珠故百  
億殃生靈兩國失宗社萬乘棲囚囹旅葵戒異物聖人

存為經徒以一珠故天地生蟲螟此事有本原穉郎柄  
熙寧力行商君法詭勤燕然銘延致衆姦鬼壞敗先朝  
廷焉得致渠魁輾裂具五刑鍾山有遺瘞漾之江中冷  
我作北珠怨哀歌誰忍聽

戲詠老農觀稻以秋字為韻

扶杖行阡陌秔秈極望秋兒孫邀按視父宿聽分抽村  
佃同黃馘山妻對白頭負耒難努力拾穗尚明眸糞薄  
嫌苗瘠耘遲訝草留後生無字缺懶今歲更奚尤糴價先

朝賤租期舊尹優邇來非昔比誰復為儂憂路遠筋骸  
倦風涼咳唾稠採壺炊破甑啖茹薦新芻一飯都能幾  
三杯即告休堆場喧鳥雀溢巷集羊牛幼稚茅茨候驩  
呼粟粟求雖無玉鳩賜端勝富民侯

又七言

久無筋力荷鋤耰坐閱千畦攬稜秋又喜黃雲今滿眼  
不知白雪已盈頭丁寧幼稚頻驅雀約敕比隣遠放牛  
及早兒孫了租稅頽齡一飽更何憂

夜起有感

古人所願為莫若言事官前後五百輩風節何索然士  
所甚榮者草詔登金鑾繆妄或預選文章何足傳又如  
相人國操秉中書權姦邪雜庸儒覆餗鼎實顛代天分  
百工設此三要職我雖幸登名三不踐其一嘗叨臺諫  
命大臣陰見柅擊搏非所能甘受一麾斥于時已潰亂  
竟不保宗祏論罪誅枯骴孰可付史筆星河夜西流看  
天徒嘆息

聞笛嘆

讀書夜倦燈影暗屋外笛聲何處來  
隣翁吹笛意本樂聞笛如我心何哀  
如說生離苦天涯海角無由迴又如  
訴死別委骨黃壤埋蒿萊失身羈婦過  
昭君塚債軍老將上李陵臺東坡澹庵  
惠州新州更海外經義字說盡場屋格  
天之閣高崔嵬元祐太母地下負廢立  
之謗昭慈再廢入道冷屋扃荒苔濟陽  
一去飲雪水不得其死二十七年老姦  
擅位汙公台分明歷歷道此事使我顏

色黯然如死灰豈止山陽向秀感徒為嵇呂二子空徘徊平生不識音與律但喜樂工奏曲作技傾金壘不謂今夕此何夕江淹別恨二賦盡到眼玉川子涕泗蝦蟇食月萬古不可開鐵腸石肺百雜碎驚魔不顧閨中孩壁下偶有酒顧謂斟一杯一杯薄酒何足禦此大憤怒不如愚無知者酣卧鼻息長如雷須臾笛聲寂無有出視空庭但星斗

令狐信芳招飲天慶呈張文煥

仲秋久不雨殘暑氣猶鬱畫夢化飛鴻青冥脫羅罽果  
有叩門者嘉招為湔袂林下見高人杯中得佳物世故  
萬不平如利劍一刺何況詩家流談鋒出奇俛味同本  
道合心敬匪貌屈維茲古琳宮巋然金碧屹生雲石巘  
岫蔭日樹蒼蔚更有竹萬竿風梢互披拂黃冠作何行  
享此傲簪紱吾儕許借景仙意亦髣髴其徒傳異書昇  
空白日歛腐儒早知命靈丹未甘乞座間亦有賦腸枯  
語言吃崖根茗泉深尚留一再掘



同張文煥過吳式賢二十六韻

退居乏晤語蒿萊翳荆扉闔闔一以出秋色饒清輝東  
魯有名士勲庸厭常旂懽言撥簿領宿約尋郊圻小輿  
信自逸寧知勞者唏遐眺豁蒙蔽未若聯鞍鞿淪漪涉  
淺瀨杳窈穿晴霏西成禾稼熟南賓鴻鴈飛歲晏苦不  
樂來日缺字已希懷人况有願渴心奉容徽丘園隱君子  
結佩紉芳菲恬養足道氣悟悅通禪機渠石轉流水築  
埭臨彎崎檉櫂蔭書艇芰荷環釣磯復有蘆葦叢江湖

思依依起予一襟風萬有浮埃微設禮古俎豆執事儒  
冠衣兒姪亦敬客走趨色無違緬懷十年前傑閣何巍巍  
幻境值革故高蹤甘遜肥利達被鼎貴朝露終易晞孰  
能保令名百世無評譏莊叟適游濠曾生傲浴沂俛仰  
宇宙間此會應復稀邃剝玩竒刻喬林媚餘暉冥冥塵  
外心澹然暮忘歸

訪吳式賢歸賦詩復以未用韻成篇如前數

秋仲已數晨殘暑饗餘威兩旬赫斯旱歲事將告飢五

穀既不熟百卉亦具腓白露輟救田巫祝絕禱祈決滌  
原野間行行策征駢所至問父老最苦螟與蜚官府發  
令寬疲甿猶庶幾柰何迫賦役有弦終無韋初筮或金  
紫不復先綠緋牛羊為求芻今乃如獵圍戚顛良易察  
厥病不在扉適我故友家美莫思如輦謂言綠林輩素  
昇灰矣輝別墅今尚佳細故未足歆明隍可教子辛苦  
出螢幃地出禁酒界煮魚封豪豨飭菓爍字棗字羹字芬  
薔薇老衰感嘉意滿斟餘十揮繆忝五年長一命先登

畿三益夙好在萬事危途非此來聽所談字字侔珠璣  
終當道鳳沼否亦齒虎闥民瘼熟覽采一一牋斧辰何  
乃懷其實不受良工晞昔缺更四稔泮水擷藻芹晚節  
豈倦遊故託左臂痲

再簡吳式賢

郊居縱復遠康莊如許詩名許道藏有客遠來期識面  
不吾遐棄例登堂眼高心遠乾坤窄樹密泉深上下涼  
誰與圖成後三笑陶巾底用緇黃

遇李尊師

東城焉所適有此松下風更有竹萬計連山翠如葱長  
廊無人白日靜古壇高殿秋陰中雲房鎖扃簾幔捲久  
乃忽遇星冠翁一笑呼茗茗立具坐對井邊驪首龍五  
十餘年閱此畫偶許後死頻過從疇昔共飲徒十不見  
八九昇天豈其然冢骨今定朽老夫起立意欲去尊師  
顧謂已溫酒人生一刻快意難何幸有酒澆此口屢勸  
不容遽上馬上馬出門却回首

秋日

盡日秋園掩竹扉  
小堂臨砌坐斜暉  
有心覓句無心得  
缺<sup>字</sup>叟澆花蚱蜢飛

探菊二首

秋旱今年冷意乖  
將無斷送老生涯  
山田百穀俱焦槁  
一雨何妨為菊花

心最怜渠旱菊苗  
葉青如粟間如椒  
小勞汲井何妨事  
有酒吾當着酒澆

中秋前夕三首

中秋無酒定醒然清賞今宵月已圓喜我小兒才五歲  
猶能倚戶望高天

稍穿疎樹殘光碎徐碾晴空素艷流交過子時是明日  
攬先半夜賞中秋

山頭月到天心小林下秋生夜半寒不待明朝已三五  
四更仍續五更看

中秋夜有客携酒

中秋謂無酒忽有携酒者聯翩二三客柴門繫嘶馬膨  
脬兩大甕待月列堂下空庭碧天闊秋色極瀟灑皓魄  
初未出稍覺雲暗野須臾冰團掛細字可讀寫琵琶撥  
旁行此曲豈和寡村伎雜南北焉有容色冶老夫但滿  
飲不復記杯罍嘲詆頗惡劇罰籌不吾捨自從歷喪亂  
萬事付苟且應接日紛糅口耳似聾啞久旱百穀死心  
望時雨瀉雖逢芳醕溢更着纖指把丈夫忽有念外物  
昏土苴客去欲夜半一笑真醉也



社前一日用中秋夜未盡韻

清晨視園樹槁葉脫梧櫨鄰家餽彘肉里巷作秋社報  
賽有故常民俗其敢罷勾龍得無羞土毛旱欲赭貧家

節

字缺

常素不徼福嘏又况禁酒嚴罄室覆老瓦兩男隔

鄰郡久未泛歸槎小兒及二女嬉戲粗姪姘叫啼索梨  
栗短裳或露髻乃翁老鈍極久困讒口咳下體毒痔漏  
中腕痼癥瘕春林裏青箸杵白亦旋假意以娛幼稚鮮  
歡類炙輠東墻掘小池南榮續前厦明日宜鳩匠窳局

笑窮對排悶賦此作鄙俚媿不雅

八月十八社不雨得酒

近社當有雨至是終無之家貧久無酒忽有社酒持萬  
事不可料人生難前知窮山早已甚園草日就萎重九  
倏復近睽焉顧東籬稼穡不我與灌此青蘂枝幽賞心  
所寄曾不憂朝飢菓茹媿云鮮聊茲撫幼兒扁舟欲有  
適矯首空遐思

社後已未始雨酒邊書

今年五月梅晝夜雨不止及茲七八月一旱乃如此古  
言了無驗社公飲舊水豈其世俗移難復論常理里門  
分內竟誰記戊與己詰朝始霽霖漸作霈然喜破靴行  
荒園沙泥濡足指蕉扇戴頭歸聲類釣蓬底有田穀不  
登無田吾何耻荷鋤蒔蔬者告謂土潤起芙蓉一二開  
紅蓼亂紛委木落樓閣出風物甚清美偶茲樽酒具小  
醉亦可爾土木愚頑姿頽然隱吟几天地萬古悠微軀  
一稊蟻區區曷足云後當知此士

社後復晴

無租猶欲望豐年豈不差於酤糴便浪說歲星守南斗  
略微社雨潤秋田異哉古語俱難信老矣餘生益自憐  
已近重陽更晴早潘郎佳句亦虛傳

小園

累土為臺就浚池小園聊爾寄娛嬉栽花誰覺似貧戶  
煮菜自量無厭時月下秋聲長不寐水中樹影最宜詩  
客來客去頻歡喜祇為能饒一着碁

擬詠貧士七首

并序

淵明有詠貧士詩七首前二首自謂後五首引古賢士七人亦借以自謂也東坡遷惠州一年九日無酒乃追和淵明詩以寄意夫以侍從偃藩謫僅一年已云衣食漸窘樽俎蕭然且有典衣作重九之句况予多歷患難休官五年者乎不敢如東坡和淵明韻姑以江淹雜擬體賦之非於貧有憾也以貧為悅而甘之者也乙酉九

月八日方回序

陶漁起畎畝在野賢無遺世豈有貧士貧民且無之鰥寡不敢侮俊乂斯可知末季尚貪慾高位多窮竒有如元愷者豈不寒與飢寒飢士之常蒼生良足悲

生不逢堯舜夜歌齊國門短布適至骭顧此何足言得無慕反坫頗欲致飽溫區區霸者佐治躬乏本原易地可禹稷獨許陋巷顏管卑况彼甯人品當爾論

周公昔下士一飯不遑餐四海頌聲作白屋無復寒三

家柄魯國陽虎盜嶼璠曾原二三子忍飢依杏壇士當  
察時命固窮心所安何至挾長鋏特為無魚彈

昔在馮敬通晚節極窮困豈不嘗專城肥遯故無悶如  
何彼江生賦此以為恨政坐不能隱揣謂意有怨與世  
一不合心迹當兩遠豈容近市朝尚與俗物溷

堂堂孔北海不憂樽酒空一旦坐口語老瞞不見容危  
行言未遜難保明哲躬虞翻落日南管寧老遼東事至  
於此極豈願飄孤蓬所以焦光者愧處蝸廬中

少陵走西蜀坡仙謫羅浮暗與淵明合九日無新菊兒  
曹處此境四顧定復愁惟此三老翁浩然無所憂作詩  
配日月萬古長空流寄謝酪酏子詎識黃花秋

龔夫坐何罪持扇行覓錢唐意介之孫忍餓死空山我  
嘗讀史冊悵望南渡前似茲良亦多晚輩未可嫻此責  
有所歸冠裳天地顛禍至崩杞國彼悔其奚言

九日無酒

并序

塵爵耻虛壘寒華徒自榮淵明詩也如今九日



至自覺酒須賒少陵詩也典衣作重九徂歲慘  
將寒無衣粟我膚無酒顰我顏東坡惠州詩亦  
然予乙酉九日前以衣袍典錢不能得遂成無  
酒詩瞳若乎三大老之後可笑也已

陶杜休官窘可知更憐坡老惠州時三人九日俱無酒  
一笑千年各有詩我輩固窮生事拙今秋慳雨菊花遲  
典衣不辦杯中物空嗅青英有所思

九日烹二雞終不得酒

長女近歸寧念母省所患臨別無可烹僅餘一老鴈茲  
辰遂重九空庖絕芻豢伏雌劣足膳時醪靡由辦平生  
萬卷腸半世飫藜苳中嘗長軍府豈不讌集慣晚年畏  
禍機弃官老林澗賣書輟架籤典衣解袍襟佳節無一  
錢終不羨朽貫瓶罄何耻為更用奴隸訕但甘顏樂瓢  
宜免周並言輟粲粲東籬英聊與歲同晏

九日用淵明韻二首

窮山豈有節疲氓不聊生比戶迫凍餒九日存空名旦

視紫參中斗極南北明知我乏機杼促織亦銷聲昔健  
酒易得痛飲倚妙齡焉知齒髮暮壺盡無可傾寒英繁  
荒圃槁葉鏗前榮堅忍驗學力乖離悵時情死也諒不  
磨可惜百無成

淵明謝督郵猶有金石交故人篤古誼未隨霜葉彫把  
菊東籬下氣與南山高顏生忽至止雙鳳鳴青霄我誓  
死巖穴甕灌詎云勞奈何今年秋一早川原焦酒錢茂  
由致擬坡聊和陶索寞世所賤由來非一朝

復記乙酉重九

無酒無錢不可賒窮居猶勝走天涯晴軒小圃籬門掩  
時有人來覓菊花

送汪以南教授

郡文學掾未宜卑四七元勳所願為歸興忽如憶鱸膾  
閒心肯復戀臯比鄭虔梁肉非無分薛令桑榆竟自奇  
想見田園有餘樂時能寄我和陶詩

未至無羶坐客寒興闌自欲早休官新下澤車欵段馬

舊逢掖衣章甫冠冷看群飛終可愕真能勇退豈為難  
人生底是門居好心穩神清夢亦安

獨冷儒官亦獨清前賢補處詎云輕後山三任入東觀  
脩水七年留北京底用過多求美官自應垂後保香名  
贈言我竟無堪說笑指籬邊秋菊英

次韻汪以南歸途見寄

身輕更覺馬蹄輕倦聽昕堂講鼓聲示病早能傲摩詰  
賦歸真復繼淵明食租近郭膏腴足卜築依山爽塏成

疾寄新詩似憐我  
弃田捐宅不聊生

相江續集卷九